



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თუმანიშვილი მიხეილ გრიგოლის ძე

თუმანიშვილი მიხეილ გრიგოლის ძე (1895, თბილისი, -21. II. 1921, ტაბახმელა), სამხედრო მოღვაწე. საქართველოს დემოკრ. რესპუბლიკის (1918-21) ეროვნ. არმიის შტაბს-კაპიტანი. 1915 დაამთავრა პეტერბურგის საარტ. სასწავლებელი. მონაწილეობდა I მსოფლიო ომში. პორუჩიკის სამხ. წოდებით იბრძოდა კავკასიის ფრონტზე. საქართველოს დემოკრ. რესპუბლიკის ეროვნ. არმიის ფორმირებისთანავე (1918) ჩადგა მის სამსახურში. 1921 თებერვალში იბრძოდა ბოლშევიკური რუსეთის მე-11 წითელი არმიის წინააღმდეგ ტაბახმელაში, სადაც დაიღუპა სხვა ქართვე. მებრძოლებთან ერთად. დაკრძალეს თბილისში, ე. წ. „სობოროსთან“, ამჟამინდელი პარლამენტის შენობის წინ.

დაჯილდოებულია წმ. ვლადიმირის ორდენით და წმ. გიორგის ჯვრით.

ლიტ.: მიხეილ გრიგოლის ძე თუმანიშვილი, გაზ. «კოლხური კოშკი», თბ., 1995, №23 (28).

ლ. ურუშაძე
